

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02-1196/14
Vareš, 03.10. 2014. godine

VLADA ZENIČKO-DOBOJSKOG
KANTONA
n/r premijera Muniba Husejnagića

OTVORENO PISMO ZA JAVNOST BOSNE I HERCEGOVINE

(Urgencija za hitnu sanaciju puta R444 na dijelu dionice Breza – Vareš u mjestu „Kapija“)

Poštovani,


obraćamo Vam se po sedmi put zahtjevom za hitnom sanacijom puta R444 (sa primjenom od 15.11.2014. god. M214 po Odluci o razvrstavanju cesta u autoceste i brze ceste, magistralne i regionalne ceste "Sl. novine FBiH" broj: 24/14) na dijelu dionice puta Breza – Vareš, na području općine Vareš u mjestu „Kapija“.

Padavine u posljednjih nekoliko sedmica su ponovo napravile štetu na već improviziranom „by pass-u“ puta u mjestu „Kapija“. Na pomenutom dijelu puta oštećenja u obliku otvora su u takvom stanju da svakim prolaskom putničkog motornog vozila postoji mogućnost oštećenja vozila. Potpuno oštećenje improvizovanog dijela puta ne osigurava ni minimum uslova sigurnosti u saobraćaju, a dodatna prijetnja učesnicima u saobraćaju je još uvijek aktivno klizište koje je u proljetnim poplavama u potpunosti uništilo gore navedenu dionicu puta.

Iz gore navedenih razloga, stanovnici općine Vareš se svakodnevno obraćaju Općini Vareš sa zahtjevima za rješavanje ovog problema. Ukoliko se u što kraćem vremenskom periodu ovaj problem ne riješi, građani će biti primorani da izraze svoje nezadovoljstvo blokadom ovog puta koji je još uvijek regionalni put te **ODGOVORNOST** i nadležnost nad upravljanjem, nadzorom i održavanjem ima Direkcija za ceste ZDK, Ministarstvo za prostorno uređenje, saobraćaj i komunikacije i zaštitu okoline ZDK i Premijer Vlade ZDK. Podsjećanja radi, a u prvom planu zbog informisanosti građana, Općina Vareš je na navedene adrese institucija već nekoliko puta slala dopise ovoga tipa s ciljem rješavanja pomenutog problema.

adresa: Zvijezda 34, 71330 Vareš
tel: 00387 32 848 100
fax: 00387 32 848 150

depozitni broj: 3380002210017420
web: www.vares.info
e-mail: vares@bih.net.ba



Obzirom da ste se oglušili na sve naše dopise, obavještavamo javnost Bosne i Hercegovine, a u prvom planu stanovnike Vareša da su **ODGOVORNI** za moguće posljedice ugrožavanja života saobraćanjem na ovoj relaciji upravo, osobe koje obnašaju funkciju u gore nabrojanim institucijama i to: **premijer ZDK Munib Husejnagić, ministar Ministarstva za prostorno uređenje, saobraćaj i komunikacije i zaštitu okoline ZDK Edin Terzić i direktore Direkcije za ceste ZDK Refik Zeković.**

Informišemo stanovnike Vareša i sve druge koji učestvuju u saobraćaju na spornom dijelu kolovoza da odgovornost za stanje u kojem je klizište na pomenutom dijelu ceste R444 kao i sam improvizovani kolovoz traže od gore navedenih institucija.

NAPOMENA: Prilikom zadnje posjete Varešu koju ste upriličili Vi kao čelnici SDP ZDK i nosioci lista SDP ZDK, dali ste obećanje građanima Vareša da ćete učiniti sve da se ovaj problem riješi prije 15. oktobra. Kako još uvijek niste ništa poduzeli po ovom pitanju, postaje jasno da je ovo samo još jedna od laži SDP-a.

S poštovanjem,

DOSTAVLJENO:

- 1 x Naslovu,
- 1 x Dnevni avaz,
- 1 x Oslobođenje,
- 1 x Federalna televizija,
- 1 x BHRT,
- 1 x FACE TV,
- 1 x NTV Kakanj,
- 1 x RTV Zenica,
- 1 x TV Sarajevo,
- 1 x DANI, bh. nezavisni magazin,
- 1 x Slobodna Bosna,
- 1 x a/a



OPĆINSKI NAČELNIK

Avdija K.
Kovačević Avdija, dipl. pravnik